

Saedcej Gwnz Muengx Sonhag

□ 贵港市覃塘区蒙公镇高占小学 韦江萍

Bi 2020 seizcin, ciengz “bingh-lah” ndeu, hawj raeuz mbouj ndaej okdou. Gojgaeq raeuz youq ranz hwnjhag hainduj lo, saedcej gwnz muengx sonhag hainduj lo.

Youq lajmbanj, gwnz muengx sonhag gig singisien, hagseng wnggai gig sim'angq, hoeng, gou hix yousim, hagseng gagrox hwnjdangz ndaej geij-lai nanz ne?


Ngamq hainduj song cou, gyoengq doengzhag lij dwg gig yiedcingz angqyangz. Ngoenzngoenz miz doengzhag anqseiz caujudz, gou gibseiz byaujyangz! Gou heuh daxboh daxmeh hagseng doengzcaez youq aenginz ndaw ban, moix ngoenz 8 diemj cingq, gou fat ok mbawsiengq govwnz, aeu soujgih boux ndeu baujcunz mbawsiengq govwnz, lingh boux soujgih aeu daeuj sij yozlozyinz cozyez, roxnaeuz dingq lauxsae gwnzmuengx hwnjdangz. Moix baez doegsaw iugouz mbouj doxdoengz: Sien gag doeg govwnz baez ndeu, dawz bit geiq cihsaw mbouj rox doeg haenx roengzdaeuj, caiq daj hai meijbenh dingq loegyaem doeg, gajgez ngamq doeg seiz giz mbouj rox haenx, doeklaeng caiq yungh sim bae doeg, coenz raez aeu lai doeg geij baez. Daj baez daih' it yaemcinj daengz baez daihngaih raeuzred, daengz baez daihsam miz gamjcingz singhung doeg, aeu baez beij baez lai ndei.

Haetcaeux doeg govwnz gaeuq seiz, gou youh daezsingj: Youq naj conghcueng cuengq sing hung doeg, hawj roeg iq dingqny i gij sing ndei-dingq mwngz. Miz seiz, gou youh naeuz: Doeg govwnz hawj vunz ndaw ranz dingq, lij ganggangj mwngz doeg rox gijmaz. Gou rox, miz haujlai lwngyez dwg mbouj siengj gag bae doegsaw, couh daegdingh bae ndaw suenbyaek ingj aen sibinz dinj ndeu, itmienh ingj itmienh gangj: Youq haetcaeux yaek raeuj lij nit neix, va manghgoj angq hai gwnz ngafaex, baenz nyup baenz nyup caenx youq guhdoi. Cijmiz dingj ndaej rumz ci fwn rwed, souh ndaej non haeb nyungz ding, cij ndaej giet baenz mak…… Doeklaeng, gou gangj riu naeuz: Dou ndaej yaengyaeng caj sou baenz mak, hoeng, mbouj ndaej hawj dou caj daiq nanz ho! Gyoengq hagseng bouxlaux dingq le riu lo. Daj baez neix hwnj, lwngyez haetcaeux doegsaw gwj daeuj gwj lai lo. Caemhcaiq miz geij boux, gou caengz fat govwnz, couh gag daeuj cam gou aeu lo. Ndaw aenginz veihsin lai haujlai doegsaw sibinz lo, doiq boux daih' it fat sibinz daeuj, gou haenh naeuz: “Raen mwngz caen ndei! Dingqny i sing mwngz caen hawj gou cwxcaih!” Doeklaeng, gyoengqde couh engq gaenx loh naj lo.

Raen hagseng baenzneix angq

hag, gou cuengqsim lo. Ciep roengz-daeuj couhwdw hawj gyoengqde gyaenz sijcih lo. Cihmoq ndaw govwnz, aeu rox doeg, doeg yaem cinj, geiq ndaej de, lij rox sij. Gou moix baez sijcih cungj ingj baenz sibinz dinj, fat ndaw aenginz veihsin bae, daihgaiq 3 faen cung raez, hagseng yawj ndaej cingcu, ndaej gaemdawz gij cih yungzheih sij loek roxnaeuz bitveh lai haenx, muengx vaiq seiz, gou lij cienz hwnj bingzdaiz yozlozyinz bae vixyinx dem. Hagseng gig gyaenz yawj gij sibinz dinj neix. Moix baez gyoengqde sijcih loek le, cungj gag gangj: “Lauxsae, gou nyienh' ei q ciepsouh 'dajciengj', loek cih ndeu 'dajciengj' sij 10 baez, lij laebdaeb swiq vanj 10 baez!” Gou riu lo, dap naeuz: “Yawjdaeuj, miz haujlai doengzhag ndaej 'dajciengj' bw, daxboh daxmeh 'ngoenz ndei' mbouj yungh swiq vanj couh engq raez lo!” Bouxlaux hix angq naeuz: “Caen siengj mbouj daengz, de rox gag guh hongranz lo!” Dingq gyoengq bouxlaux lwngyez yienghneix gangj, gou ndawsim gig angq. Hagseng cawzbae cih sij cingq le, sij gyaen le, engq roxsoq lo!

Caj gyoengq doengzhag sij cih suglien le, gou couh mbeihung hwnjdaeuj lo. Hawj gyoengqde lienh sij faenzcieng dinj: Gaisau cungj va swheij gyaenz ndeu. Gou youq ndaw sibinz dinj, vih gyoengqde gangj go vadaengngoenz daihgya cieq ciengz yawjraen haenx; daj gova mingzcoh, yienghceij, feihdauh daengj fuengmienh bae gangj. Miz haujlai hagseng hawj gou doeksaet youh vuenheij: Miz boux sij vasoemjmeiq, miz boux sij valungzgoet, miz boux sij vama…… Miz dah hagseng ndeu sij naeuz: Gij va manghgoj daengx gyoengq caenx youq gwnz byai faex, gwnz namh hix loenq miz caengz nanwnwt ndeu, gyoengqde daiq nyieg lo! Gou gop hwnj gij va iq daeuj nyouq, lij dwg gig rang. “Daxmeh, vaiq yawj! Gij valoeng



neix mizmbangj gaenq giet mak iq lo!” Gou hemqnaeuz. Daxmeh danq gaemz heiq naeuz: “Dwg ha, gig hojsik! Dingj mbouj gvaq rumz bongj fwn rwed, baenzlawz ndaej giet mak ne!”…… Bingzgaiz seiz, gou diemjbingz: Gig ndei, rox lienzsiengj lo. Mwngz couh-dwg dujva cieq ak gwnz nga, lauxsae siengsaenq mwngz ndaej giet ok aen mak cieq hung cieq rang ndeu! Dahsau iq neix sim haemq saeqnaeh, bingzseiz mbouj gyaenz guhsing, cungj dwg caemcingx gag naengh youq henz gakciengz. Daxmeh de gangj, ndaej lauxsae haenh baez ndeu, de simangq baenz geij ngoenz, dawz bien faenzcieng dinj de daeuj gaj haujlai baez, moix baez cungj gag fwt riu ok sing daeuj!

Baez daih' it lienh sij faenzcieng dinj cungj miz haujlai doengzhag gaj baenz cozvwnz lo, hawj gou gig maij. Gou youh laebdaeb hawj gyoengqde sij duznou: Ndaundeiq ndaw gorum——duzronghrib; boux ciengqgo——duzdaekgaeuj; duzbid hawj vunz simnyap, cix dwg ien-uengj, de seng daeuj couhwdw rwznuk; doiq fwed duznou ndaengciengh lumj roeggungjcoz gyaunde; gyanghaemh, duznou' gyap baema

loeng roen…… Aen soujgih bingzmoeg iquet, cienz hawj gou cihsiz lailai, gou angq raixcaix, lwgda lwngyez dwg yienghneix raeuyu, siengjap baenzneix daegbied! Gou gwj daeuj gwj maij gwnz muengx sonhag daiq daeuj cungj vaiqlag neix lo! Gou gingqyienz mbouj rox lajbiengz miz cungj va ndeu heuhguh “va haisim”, mbouj rox go' gyoij yienzlaiz dwg doenghgo gorum…… Gyoengq lwngyez lwnh gou: Duz saehaexma dwg non' haih, buqvaih gig hung. Gyoengq dahsau iq naeuz: Gyanghaemh seizhah, rumzliengz ci daeuj, bae gyaep “ndaundeiq”——duzronghrib ndaw gorum; banhaemh seizcou, rongh dienhdengz bae ndaw reih maenzfaex ra duzdaekgaeuj…… Dwg gyoengqde lwnh gou haujlai saeh noix raen, dawz gou daiq haeuj ndaw seiz lwngyez bae! Gwnz muengx hwnjdangz, dou yienznaeuz mbouj ndaej naj doiq naj, hoeng, dangj mbouj ndaej aensim dou daxgangj.

Dang “binghlah” sanq deuz seiz, bakdou hagdangz gven nanz haenx deng rumzcin bongj hai, youq ndaw bak va ceng hai beij lengj neix, gou caeuq hagseng gou youh ndaej raennaj lo!

Gou Dwg Naed Duh Iq Ndeu

Raiz sat cozyez le, gou caeuq daxmeh caez mbiq duh.

Mbiq dwk mbiq dwk, daxmeh riu dwk doiq gou naeuz: “Lwg iquet, mwngz couhwdw naed duh cieq iq cieq oi q neix.” Gou ngeizngwd cam daxmeh: “Vihmaz ya?” Daxmeh naeuz: “Mwngz yawj gij duh ndaw faekduh neix, miz hung miz iq, loq hung di couh lumj daeggo mwngz, caiq hung di couhwdw daxboh daxmeh, gij cieq hung couhwdw daxgoeng daxbuz lo, naed cieq iq couhwdw mwngz ya! Gyoengqde caezcaez cingjcingj baiz youq ndaw faekduh, couh lumj ranz

raez ityiengh, ndaetndi' ndi doxgiet youq doxcaez, ciengxlwenx mbouj doxbiek.”

Gou dingq gij vah daxmeh, caiq yawjyawj duh ndaw fwngz cingq mbiq de, lumj roxyiuj lo, gou couhwdw naed duh iq de. Naedduh iq ginggvaq daxmeh daihdeih ganqciengx, daxgoeng daengngoenz raeujrub ciuqgoq, dahcej fwnraemx caemxndang, maj baenz naedduh faghung. Gou hix lumj naedduh iq ityiengh, youq laj daxboh daxmeh gyaenzhoh, lauxsae son' gyauq, daxgoeng daxbuh ndiepgyaenz maenghcangq majhung.

(it nienzgaep Cwnz Cwnz)